

M246: Münchener Wundsegen

16va,1 in dem namen des vater und des
16va,2 sunes . und des heiligen geistes .
16va,3 âmen . drî guot bruoder giengen
16va,4 einen wec . dâ bekom in unser
16va,5 hêrre Jesus Christus . und sprach
16va,6 “wanne vart ir drî guot bruoder .”
16va,7 “hêrre wir varn ze einem berge .
16va,8 und suoehen ein krût .
16va,9 des gewaltes . daz iz guot sî .
16va,10 ze aller slaht wunden si sî geslagen
16va,11 oder gestochen . oder swâ von si
16va,12 sî .” dô sprach . unser hêrre Jesus Christus .
16va,13 “komet zuo mir ir drî guot
16va,14 bruoder . und swert mir bî dem
16va,15 gekriuzigeten . und bî der milch
16va,16 der meide sancte Marîen . daz ir ez
16va,17 en helt . noch lôn entvâhet . und
16va,18 vart hinzuo dem Mont Olivet
16va,19 und nemet ôle . des ôleboumes . und
16va,20 schâfwolle . und leget die . über
16va,21 die wunden und sprechet alsô .
16va,22 der jude Longinus der unsern hêrren
16va,23 Jesum Christum stach in die sîten mit
16va,24 dem sper . daz en eiterete niht . noch
16va,25 gewan hitze . noch en swar . noch
16va,26 en bluotete ze vile . noch en vûlte .
16va,27 alsô tuo disiu wunde . diu en bluote
16va,28 niht ze vile . noch en gewinne
16va,29 hitze . noch en swer . noch en eiter .
16va,30 noch en vûl . die ich gesegent
16va,31 habe . in dem namen des vaters . und
16va,32 des sunes . und des heiligen geistes .
16va,33 âmen . sprich den segen drî stunt
16va,34 und alsô manigen paternoster und
16va,35 tuo niht mêr . wan als hier
16va,36 geschriben sî .”